



XUNTA DE GALICIA



“Bases reguladoras da convocatoria da selección para o posto de Director/a-xerente da Sociedade Redes de Telecomunicación Galegas Retegal, SA”

1. Obxecto da convocatoria

A presente convocatoria ten por obxecto a contratación do director/a xerente da sociedade Redes de Telecomunicación Galegas Retegal, SA (en diante Retegal).

2. Vínculo.

O vínculo da persoa seleccionada formalizarase mediante contrato laboral de alta dirección ao abeiro do previsto no Real decreto 1382/1985, do 1 de agosto, polo que se regula a relación laboral de carácter especial do persoal de alta dirección, no artigo 17 do Decreto 119/2012, do 3 de maio, polo que se regulan as retribucións e percepcións económicas aplicables aos órganos de goberno ou dirección e ao persoal directivo das entidades do sector público autonómico e na Lei 16/2010, do 17 de decembro, de organización e funcionamento da administración xeral e do sector público autonómico de Galicia.

En atención á súa condición de Alto Cargo, o/a director/a-xerente estará suxeito/a ao réxime de incompatibilidades e obrigas recollido na Lei 9/1996, de 18 de outubro, de incompatibilidades dos membros da Xunta de Galicia e altos cargos da administración autonómica.

Así mesmo, en atención á súa condición de Alto Cargo, o/a director/a-xerente estará suxeito/a ás obrigas e principios de actuación que derivan da Lei 4/2006, de 30 de xuño, de transparencia e de boas prácticas na administración pública galega e da Lei 19/2013, de 9 de decembro, de transparencia, acceso á información pública e bo goberno.

O posto convocado como clasifícase como grupo III nivel I de acordo co Decreto 119/2012, do 3 de maio, polo que se regulan as retribucións e percepcións económicas aplicables aos órganos de goberno ou dirección e ao persoal directivo das entidades do sector público autonómico e a Orde do 8 de xuño de 2012 pola que se establece a clasificación inicial das entidades incluídas no ámbito de aplicación do Decreto 119/2012, do 3 de maio, polo que se regulan as retribucións e percepcións económicas aplicables aos órganos de goberno ou dirección e ao persoal directivo das entidades do sector público autonómico.

3. Funcións do director/a-xerente

Son funcións propias do/da director/a-xerente as que se recollen nos estatutos de Retegal, modificados pola resolución do 9 de abril de 2013, da Secretaría Xeral Técnica e do Patrimonio da Consellería de Facenda, pola que se ordena a publicación da modificación dos estatutos da sociedade Redes de Telecomunicación Galegas Retegal, S.A., autorizada polos acordos do Consello da Xunta de Galicia do 29 de xuño de 2012 e do 7 de febreiro de 2013, que no seu artigo 24 establece que *“O/a director/a xerente, baixo a inmediata dependencia do/a*



XUNTA DE GALICIA



presidente/a, dirixirá a organización empresarial da sociedade e os seus negocios sociais, segundo o réxime de atribucións, dereitos, deberes, incompatibilidades, remuneración e competencias que, para o efecto, aquel estableza”.

4. Requisitos dos/as aspirantes.

Os/as aspirantes deben reunir os requisitos seguintes:

a) Ter nacionalidade española, ser nacional dalgún dos Estados membros da Unión Europea ou ser nacional dalgún Estado en que, en virtude dos tratados internacionais subscritos pola Unión Europea e ratificados por España, sexa de aplicación a libre circulación de traballadores/as. Tamén poderán participar, calquera que sexa a súa nacionalidade, os cónxuxes dos españois e dos nacionais doutros Estados membros da Unión Europea sempre que non estean separados de dereito. Nas mesmas condicións poderán participar os seus descendentes e os do seu cónxuxe sempre que non estean separados de dereito, sexan menores de vinte e un anos ou maiores de idade dependentes. Así mesmo, poderán participar os estranxeiros con residencia legal en España.

b) Non padecer enfermidade nin estar afectado por limitacións físicas ou psíquicas incompatibles co desempeño das correspondentes funcións.

c) Ter cumpridos os dezaseis anos.

d) Non ter sido separado/a do servizo de calquera Administración pública en virtude de expediente disciplinario nin estar inhabilitado/a por sentenza firme para o exercicio de funcións públicas. Os/as aspirantes que non teñan a nacionalidade española deberán acreditar, igualmente, non estar sometidos/as a sanción disciplinaria ou condena penal que impida, no seu Estado, o acceso á función pública.

e) Non atoparse en situación de inhabilitación absoluta ou especial para emprego ou cargo público por resolución xudicial, para o acceso ao corpo ou escala de funcionario/a, ou para exercer funcións similares ás que desenvolvían, no caso de persoal laboral, no que fose separado/a ou inhabilitado/a.

f) Estar en posesión do título de grao ou licenciatura en Enxeñería de Telecomunicacións. No caso de equivalencia ou homologación deberá xustificarse con certificado expedido polo organismo competente para establecela.

Estes requisitos deberán cumprirse tanto no momento de finalización do prazo de presentación de solicitudes como no de toma de posesión ou formalización do contrato.



XUNTA DE GALICIA



5. Solicitudes e prazo de presentación.

O prazo para a presentación de solicitudes rematará o sétimo día natural posterior á publicación desta convocatoria no Diario Oficial de Galicia. As proposicións presentaranse no Rexistro de Retegal (Avda. Fernando de Casas Novoa, nº 35B, 3º C-D. 15707 - Santiago de Compostela). A presentación das proposicións en lugar distinto do sinalado será causa de rexeitamento ou exclusión.

A estes efectos a hora de peche do Rexistro será as 14:00 horas. Se coincidira en sábado, domingo ou festivo prorrogarase ata o día hábil seguinte.

A solicitude deberá reunir todos os datos de identificación requiridos.

A presentación da solicitude implica o coñecemento e a aceptación destas bases reguladoras.

Na solicitude os/as aspirantes deberán presentar declaración responsable de que reúnen todos e cada un dos requisitos esixidos e acompañar copia simple do DNI ou pasaporte en vigor; orixinal ou copia cotexada do título universitario esixido ou certificación académica que acredite ter realizados os estudos para a obtención do título ou, de selo caso, documento que acredite fidedignamente a posesión do título académico.

Coa solicitude tamén deberá relacionar de xeito individualizado cada un dos méritos que aleguen e acompañar a documentación acreditativa dos mesmos para a súa valoración, ben orixinal ou ben fotocopia cotexada.

Así mesmo, coa solicitude terá que achegarse o curriculum vitae do solicitante e a memoria de actividades (recollida no punto 8 destas bases) en soporte papel e en formato electrónico.

O domicilio que figure nas instancias considerárase como o único válido aos efectos das notificacións, sendo de responsabilidade do aspirante tanto os erros na súa consignación como a comunicación de calquera cambio.

Retegal, en cumprimento da Lei Orgánica 15/1999, de 13 de decembro, de Protección de Datos de Carácter Persoal, custodiará e tratará a documentación recibida de maneira confidencial e unicamente co obxecto de valorar as candidaturas presentadas, non almacenándose por ningunha vía, ficheiro ou medio, nin sendo cedida, en todo ou en parte a terceiras persoas ou entidades.

6. Admisión de aspirantes.

Tras a finalización do prazo de presentación das solicitudes de participación, Retegal ditará resolución na cal se aproben as listas provisionais de admitidos e excluídos, con indicación das causas de exclusión.



XUNTA DE GALICIA



A lista publicarase na páxina web de Retegal (<http://www.retegal.es>) e as persoas interesadas disporán dun prazo de dous días hábiles, contados desde o seguinte ao da súa publicación na páxina web, para presentar as reclamacións que consideren oportunas.

Unha vez resoltas as reclamacións, ditarase resolución na que se aprobe a lista definitiva de persoas admitidas e excluídas.

Esta resolución farase pública na páxina web de Retegal (<http://www.retegal.es>).

Todas as publicacións referidas a esta convocatoria faranse ademais no taboleiro de anuncios de Retegal.

7. Tribunal de selección.

O tribunal de selección será nomeado por resolución da presidenta do Consello de Administración de Retegal e estará integrado polos seguintes membros:

- Presidente: O xerente da Axencia para a Modernización Tecnolóxica de Galicia.
- Secretaria: A xefa do Departamento Xurídico da Axencia para a Modernización Tecnolóxica de Galicia.
- Vogais:
 - O director da área de Infraestruturas e Telecomunicacións da Axencia para a Modernización Tecnolóxica de Galicia.
 - A xefa do departamento de Persoal da Axencia para a Modernización Tecnolóxica de Galicia.
 - O xefe do departamento de Relacións Institucionais da Axencia para a Modernización Tecnolóxica de Galicia.

Serán de aplicación a este órgano as instrucións relativas ao funcionamento e actuación dos órganos de selección do 11 de abril de 2007, modificadas polo Acordo do Consello da Xunta de Galicia do 8 de abril de 2010.

O tribunal terá a categoría primeira das recollidas no Decreto 144/2001, do 7 de xuño, sobre indemnizacións por razón do servizo ao persoal con destino na Administración autonómica de Galicia.

Para os efectos do previsto no dito decreto, entenderase que a designación do tribunal implicará a autorización da orde de servizo para que os seus membros poidan desprazarse ao lugar acordado para cada unha das sesións convocadas dentro do número máximo autorizado.



XUNTA DE GALICIA



8. Procedemento selectivo.

O tribunal seleccionará os/as aspirantes, conforme a estas bases entre todas aquelas persoas que acrediten cumprir os requisitos esixidos, conforme o seguinte proceso de selección, que constará de dúas fases:

8.1. 1ª Fase: Avaliación de méritos alegados (ata un máximo de 40 puntos):

A puntuación máxima nesta primeira fase é de 40 puntos e será necesaria a obtención dun mínimo de 25 puntos para superala. Os/as aspirantes que non acaden a puntuación anterior quedarán eliminados do proceso selectivo

8.1.1.- Avaliación de méritos (ata un máximo de 40 puntos):

A valoración dos méritos alegados desenvolverase conforme a seguinte distribución:

a) A experiencia laboral de, cando menos 5 anos, no sector das telecomunicacións (3 puntos por cada ano ata un máximo de 21 puntos).

b) As titulacións adicionais ás esixidas como requisito e relacionadas co sector das telecomunicacións impartidas por centros oficiais de titularidade pública ou privada homologadas (1 punto por cada unha delas ata un máximo de 5 puntos).

c) Estar en posesión do título de Master en Dirección de Empresas (8 puntos).

d) Estar en posesión do Master Superior en prevención de riscos laborais (6 puntos).

8.1.2.- A relación provisional coas puntuacións obtidas polos/as aspirantes publicarase na páxina web de Retegal e as persoas interesadas disporán dun prazo de dous días hábiles, contados desde o seguinte ao da súa publicación na páxina web, para presentar as reclamacións que consideren oportunas.

Resultas, de ser o caso, as reclamacións, publicaranse na web e no taboleiro de anuncios de Retegal as puntuacións definitivas da 1ª fase, sendo convocados/as os/as candidatos/as que a superen, cunha antelación mínima de 48 horas, a unha entrevista persoal que se desenvolverá conforme ao indicado no punto seguinte.

8.2.-2ª Fase: Avaliación dunha memoria de actividades e entrevista persoal (ata un máximo de 40 puntos):

Os/as aspirantes presentarán, xunto coa súa solicitude, unha memoria relacionada co desenvolvemento e ordenación das infraestruturas de telecomunicacións, na que deberán



XUNTA DE GALICIA



identificarse os seguintes aspectos: descrición da actividade proposta, obxectivos, metodoloxía e avaliación.

O proxecto non poderá superar os 7 folios de extensión, a dobre espazo por unha soa cara, letra Arial, tamaño 11. Avaliarase a adecuación das actividades propostas e a viabilidade das mesmas para a consecución dos obxectivos.

O Tribunal manterá una entrevista con cada candidato, na que constataranse os elementos curriculares do aspirante que se deduzan da documentación aportada polo mesmo e da memoria prevista no punto anterior, así como os seus coñecementos sobre os aspectos relacionados co sector das telecomunicacións en Galicia, valorándose a adecuación do seu perfil profesional ao posto de traballo que se oferta, así como cantas outras cuestións que estime adecuadas a súa idoneidade como candidato, tales como as habilidades de comunicación, dirección, coordinación e negociación.

Esta entrevista terá unha duración máxima de vinte minutos.

Os/as candidatos/as deberán presentarse á proba provistos de DNI ou documento fidedigno acreditativo da súa identidade.

O tribunal establecerá a puntuación correspondente a cada candidato nesta segunda fase a través de resolución motivada, sen que puntuación máxima correspondente á entrevista persoal poida exceder de 8 puntos.

9. Cualificación e lista de persoas seleccionadas.

A cualificación final virá determinada pola suma das puntuacións obtidas en cada unha das fases.

En caso de empate na puntuación total, dirimirase a favor da persoa que obteña maior puntuación nas distintas fases do procedemento selectivo e pola orde establecida nel. De persistir o empate, resolverase por sorteo.

Unha vez finalizado o proceso de selección, o tribunal publicará na páxina web e no taboleiro de anuncios de Retegal as puntuacións obtidas polos/as aspirantes con indicación do/a candidato/a seleccionado/a. Establécese un prazo de tres días desde a publicación para presentar alegacións. A estimación ou desestimación entenderase implícita na resolución definitiva que deberá publicarse no Diario Oficial de Galicia.

O tribunal elevará á presidenta do Consello de Administración de Retegal a proposta a favor do/a aspirante que obtivese a maior puntuación. O nomeamento corresponde ao Consello de Administración de Retegal por proposta motivada da súa Presidenta.



XUNTA DE GALICIA



De non se presentar solicitudes, de non cumprir ningunha das rexistradas os requisitos esixidos ou de ser considerado que ningún dos/as candidatos/as resulta idóneo para o posto, a convocatoria será declarada deserta mediante resolución da presidenta do Consello de Administración de Retegal que se publicará no Diario Oficial de Galicia.

10.- Formalización do contrato

Unha vez nomeado polo Consello de Administración de Retegal o aspirante seleccionado, a incorporación ao posto de traballo efectuarase dentro dos 15 días naturais seguintes ao requirimento formal por parte da sociedade.

O réxime xurídico do posto de traballo obxecto do proceso de selección será o de laboral de alta dirección coas características, natureza e alcance expresados no apartado 2 destas bases.